

四庫全書

集部

欽定四庫全書

蓮洋詩鈔卷三

蒲州吳雯撰

五律

永樂蚤發

蚤發招賢里涼雲解鬱蒸  
河聲過雷首雨氣下風陵  
鳳嘴三春麥龍頭五月冰  
蓮花天外落千仞碧峻嶒

卧佛寺

石壁留蒼蘚秋風紺殿陰殘僧朝閉戶山鳥暮窺林老  
樹飽冰雪白雲橫古今津梁本無倦聊示靜居心

涉澗

清澗方朝涉人家半薜蘿溪光迎客淺山翠拂衣多霸  
業餘荒壘盟臺俯逝波誰能瞻紫氣函谷等閒過

宿孫家灣

中酒翻成病長謠祇益哀一燈殘夜後百感壯年來洛  
水芝難採嵩陽桂未開愁心與歸夢却傍赫連臺

讀張中丞睢陽遺事歎憤不禁遂書紙尾二首

板蕩中原甚江淮有義旌一身持衆議百戰抗孤城自

合回天地何須計死生浮圖留半箭遺恨賀蘭兵

廷議真堪痛精英不孤

當時猶以食人為過幸賴張建封李翰等持議乃定

只今

留廟食差可慰雄圖象服褒申國金吾拜亞夫猶嫌崇贈

卹不到陸家姑

中丞有姊嫁陸氏號王巨走臨淮姊遮說勸勿行後補縫行問贊中丞軍軍中

號陸家姑先事被害中丞妻贈申國子拜金吾大將軍

贈張西木二首

錄一首

倦鳥愁千里欣逢嘉樹陰晚來望明月清影在高林散  
坐仗杯酒涼風吹客襟蘇門追往事遙聽鳳鸞音

陪五厓先生宿白茅寺七首

錄四首

盤馬入蒼翠平橋林影斜白茅何代寺黃葉幾人家石  
井尚生乳寒瓜猶帶花晚來添紫氣分得赤城霞

夜月下涼露空明映石根更教捉坐席還與集南軒洞  
濕龍歸峽風腥虎到門何曾累機事終得暢清言

未得山中去看山且住山堦前雙樹老戶外一峰間客

散但孤坐花深方閉關  
胎禽能警夜一啖竹林間  
林白四山曉山中難久留  
王程不相待客路幾時休  
紅樹引千騎朱旗導八駟  
轉憐猿鶴夢刹那隔閭浮

雙老夫婦生日又一首

珠樹雙棲鶴無憂到歲寒  
黔婁拙夫婿德耀古衣冠  
井曰人間世雞豚竈下丹  
林中行樂處嬰托入仙壇

不寐

不寐兼秋雨寒宵更漏重  
白頭愁易得青眼世難逢  
蛛

網山堂藥烏啼使院松西風動鈴索處處損芙蓉

寄向書友

曾聞向始平能注南華經之子真苗裔江山發性靈寒  
蛟終謝餌老鶴不梳翎載酒鶯花節長吟入洞庭

汴樓喜春三首

蕙風乍披閣柳煙將著靡愁應隨臘去喜定逐春歸官  
驛江梅落雕梁海燕飛玉溪三月路載酒莫相違

連日北樓醉人傳又立春柳拖新苑水花掃故宮塵鶴

醒三更夢鵬搏萬里身相拌郢中客同去採江蘋  
生菜細堪嚼玉壺清更陳鳴箏樓上客挾彈柳邊人寺  
塔留殘偈宮鈿感故塵當年歌舞地幾處鎖寒筠

有憶二首

憶爾提紅燭相尋半玉溪紫釵屋南北紅袖澗東西  
咏雪當鴉髻行春過燕泥避風臺畔醉裙縵落文犀

昨夜月明好清光萬里同堦閒人少睡閣迴燭無風酒  
渴三更後心空四照中南來尚烏鵲飛過戟門東



少林早發

初地始一宿勞塵愁未聞鐘鳴  
少林寺日上輟轅關度  
嶺見青鳥沿溪拋白環藤蘿猶在眼惆悵欲忘還

送里人歸

中條好山色君歸春雨時  
遥看汲河柳盡濕煙中絲  
飲馬崑崙水聽鶯玄女祠  
愁心對芳草豈但發相思

留王孟毅游風穴

風穴何年寺傳聞水石間  
雲中千樹密溪上幾僧閒  
花

信宜攜酒春心且看山休言涉魚齒凍雨損朱顏

奉寄吳蘭次先生

山榛隰有苓十載念儀型柳惲真才子嚴光是客星人  
歸黃蘗澗春散白蘋汀老向江湖裏新詩滿洞庭

送宋牧仲先生出使贛州

才子新銜命離筵且泛杯舟過章貢水人在鬱孤臺桂  
子經寒結蘆花浥雨開春風歸雁後肯寄一枝梅

送方山先生歸里營清義公葬事四首

錄一首

一語即相許傾心誰似君千秋感知已百倍惜離羣拜  
闕辭青瑣還家掃白雲好看清義墓秋栢落紛紛

賦得江鳴夜雨懸

一夜短篷雨何人江上眠濕飛雲外雁夢醒峽中天便  
汲中泠水寧須桑苧泉濛濛沙岸巖齊放小兒拳

賦得明月照積雪

尚覺餘寒在簷楹雪未消蟾光增皎潔清夢共蕭條一  
相何分別千山惟寂寥沈吟得佳句特許寫生綃

送涓來先生歸江寧五首

錄三首

夫子久入道即在簪紱間  
康濟願無盡塵勞思暫閒  
杯中建業水杖底秣陵山  
百鳥銜花處從今日往還

句曲茅君隱棲霞江令居  
千秋尊道德百鍊悟空虛  
竟

躡山中屐間看江上漁等閒  
逢大藥不必是匡廬

公廬山有

草堂

燕許文章大韋平門閣高鄉心  
違楚水歸計且江臯拜

闕辭龍尾承家有鳳毛方看庾  
開府清絕振波濤

贈道者

天半挹紅霞滄洲處處家  
仙經窺玉笥小妓遣蓮花  
渡海長騎鶴開山或種瓜  
青牛新有約一夜到流沙

送黃俞邨奔母喪白門三首

錄一首

微祿親應喜其如時命窮  
文章千卷拙雨雪一帆東  
山水悲涼外江花涕淚中  
傷心衣線斷忍見舊時縫

奉題顓亭先生臯園五首

錄四首

池館接城陰春風滿竹林  
靜看垂釣意未減富陽心  
雨

過沙田白雲歸煙樹深忘機對鄰叟幾見訝朝簪

鄰舍草堂近灌園同一泉白雲扶杖客芳草著書天  
家在桃花外心當綠水前東屯愁杜老錯買瀼西田

招隱懷佳處幽尋此欲降鶯聲嘗到午鶴唳必聞雙山  
氣通三竺池流導浙江梅花仍作意故故入煙窓

仲叔羈棲日山公把酒時林泉從此識花竹盡堪思野  
蔓纏青壁山禽下綠枝他時尋石路應得九峰疑

次宿州三首

錄一首

野水圍城郭寒濤疊女牆文章通上國姓氏隱他鄉夜  
月千峰雪晨風滿劍霜長歌人不識把酒托清狂

秋夜聞絃索

高齋寂無事孤情良悠然何人理絃索聲韻明燈前繁  
響臨風急哀音入指圓曲終心不定空攪客中眠

贈魏閣之

千里俱為客同看海嶽春說詩狂未減驚座醉猶神花  
信連三月鶯聲漸四鄰秋風吹桂子仍作奪袍人

懷古四首

東方曼倩

避世依金馬浮沈豹尾中  
借車心自壯割肉氣何雄  
學豈干時富財因取婦  
空空堂責董偃真有大臣風

陶元亮

已分柴桑隱寧甘手板中  
詩憑甲子紀人是義熙雄  
濁酒東軒滿孤情大化空  
荆卿託同調高咏入悲風

李太白



萬里峨嵋客長安酒肆中倚才輕婦寺為國愛英雄大  
藥求先得千金散後空只今思笑語猶似墮江風

蘇東坡

鄒陽前後世口語一生中忠信通天帝艱虞困鬼雄山  
前八部近海外萬緣空鶴雀蚊虻過都如電與風

送王乃閑之官平都

讀書不為政勞生道亦非遠臨巴子國喜出華山畿飲  
碓猿公下銜花吉了飛平都舊仙窟日可對清暉

白鸚鵡為宋牧仲僉憲賦

怪爾生炎海天然素羽稀幾驚金粟夢故避雪山飛對  
月常憐影當花恐浣衣瑶林有仙客數與伴清暉

憶棲巖寺

最憶棲巖寺招涼有舊亭河流週郡白山勢入關青崖  
斷蜂留蜜松高鶴墜翎盧師吾有約許共一函經

送沈融谷之官來賓

念爾粵西去愁心牽別筵遠為蠻縣宰誰重帝京篇嶺

瘴昏榕樹江潮上  
蛤田耽幽閱巖壑  
莫讓昔人賢

勝水觀音院小憩

磴道交初地  
千山紫翠重  
晴雲消檻竹  
春雪覆巖松  
汲澗谷中得  
尋僧林下逢  
人家還幾里  
明月挂南峰

賦得鴈寄魯少府

一鴈汾陽郭  
寧知紫塞來  
花邊經斥堠  
雲表見樓臺  
高有稻梁戀  
寧防矰繳猜  
春風知不遠  
歸及嶺南梅

別龔明府返河中

六月煩行役，賢勞記往還。  
紅辭溫室樹，青過薊門山。  
郡郭仍金犢，河流尚玉環。  
勸農容散騎，十里盡潺湲。

送六皆還里二首

秋到擾鄉夢，驚聞君又歸。  
迎舟花北笑，送客雁南飛。  
甘橘承筐嫩，鱸魚入饌肥。  
無人鑿辛苦，莫下讀書幃。

痛飲無多日，相思即幾年。  
江楓紅隔岸，湖草碧連天。  
自解吟詩句，誰能贈酒錢。  
梅花三竺路，愁發早春邊。

阮亭先生得余長沙消息，惓然見懷，依韻和答。

無端衡嶽路辛苦近壺頭書達三千里人宗第一流江  
山迷去雁天地許歸舟已罷瀟湘客言愁尚欲愁

寄石袍朱丈時逢其令子公琢都下輒有結鄰之

約二首

師表遺東國誰能似彥方傳經崇道德持世有文章庭  
樹生蘭玉天書下鳳凰琴聲猶髣髴何日一登堂

公子千人傑相逢共玉京淵源識典則奇氣歎縱橫柳  
拂新豐酒花明客帳箏春來拜床下知有鹿門迎

之津門遂留送陸天濤

去住皆鴻爪淋漓酒滿襟  
東來瞻海氣南下憶江陰  
日暖魚蝦市霜高橘柚林  
相思各珍重同保歲寒心

送周星公禮部出守南康四首

錄二首

萬里敷文命歸無翡翠裝  
一麾辭北闕十月下南康  
問俗匡君側狂歌五老傍  
彭湖秋正闊波浪浩茫茫

香爐吾最愛雲氣似香煙  
太守能清靜高齋對晏眠  
更邀徐孺子同聽谷簾泉  
好在春明候騎牛西礪邊

過大悲院訪世高上人

一鳥下蒼煙當門海日圓厨香貽笋蕨

時張水部移若饌往

港白

憶蒲蓮待索環中趣仍求世外緣拈花方一笑剛在早

梅邊

繡毬

東風真狡獪按粉傍亭幽銀椀盛珠母冰綃挽豹羈寒  
時霜結束暖處玉雕鏤莫作楊花認楊花散不收

送諸五先還驪城三首

東海移家久江南入夢多幾驚玄髮改無那壯心何歲  
晚悲黃鵠春歸憶綠蘿不須愁往返處處有行窩

有道人爭識相逢酒一杯精隨龍奮迅閒與鶴徘徊萬  
事老皆去百年春又來到家煙水綠幾處碧桃開

最慕盧敖隱君今入杳冥年華憑野馬世事任浮萍海  
入桑田白山圍縣郭青王官遺舊谷吾亦結茅亭

送吉咸寧還永樂二首

得失皆何有春風羨爾歸喜看鄉樹近夢怯海潮飛白



髮休窺鏡青山合息機丹臺逢玉女應縮六銖衣  
多愛損真寶長愁妨妙心早知讀損益終未去雲林之  
子能同調考槃方獨吟玉溪吾最戀重欲事幽尋

送朱汗朱四首

錄二首

同客海門久君行二月中登堂春酒熟入座雜花紅射  
雁宣房北垂綸衡水東却憐書卷內沈困幾英雄

直道悲難合交情久益真猜嫌堪一笑德素自成鄰倉  
卒無通識祗徇見古人臨歧翻握手不覺淚沾巾

對月

明月生東海，光輝寶鏡懸。  
斜窺楊柳外，低照藕花邊。  
團扇輕相對，高樓剩獨眠。  
蛟龍避涼夜，安穩蚌珠圓。

寄楊樹滋先生二首

錄一首

玉璫盛仙醴，金盤膾錦鱗。  
巾箱藏五嶽，一笑即千春。  
貞白遙相望，希夷近作鄰。  
青泥仍幾襍，舊惠感仁人。

集巢雲阿二首

倍覺秋光好，涼雲拂檻生。  
當階松鼠落，遶徑竹雞鳴。  
酒

向鄰翁乞碁看坐客爭莫貪高卧久花下促題名  
一雙青鳳凰搖尾下山堂正有梧桐樹垂陰十畝長流  
雲晴卷雪飛瀑畫生涼不住巖花落還為掃石床

春日過訪五先遂呈養五山人二首

錄一首

地僻心逾靜城東舊草堂下簾深拜佛掃地自焚香峰  
勢側當戶花枝低亞牆素心人不遠谷口更相望

簡孟伯人仲人兄弟二首

愛竹真成僻看山豈厭頻一朝諧夙願猶喜得芳鄰流

水通丹竈秋花接錦茵  
吾廬冬更好遠屋十分春  
小圃秋光接從君乞藥  
苗荷香常過院松影迴  
分橋爾汝詩頻寄東西  
酒屢招梅花三十樹珍  
重雪初消

茂遠邀看芍藥以病不赴  
宋先生以詩見示時方  
閱鍾紹京靈飛經帖漫成  
奉答二首

錄一首

我聞郭芍藥好道積精誠  
女子猶如此勞人太俗生  
風前憐艷蓋世外想佳名  
莫被繁華誤金丹術不成

### 望華山

金史卷之三  
卷三  
蓮華五千仞靈孕自洪濛每變風雲色能參造化功陰  
將連太白氣自滿關中欲問真源在仙人住藥宮

白石寺

寺在鹿谷

白石山中寺峩紫翠重尋僧常有約無路復何從一  
水飛為雨雙松化作龍幾時蓮漏下奮迅禮金容

奉酬太宰陳說巖先生二首

悠悠只如此還念舊山期來以鶯花候歸當雨雪時瑤  
華感相贈楊柳悵空垂百拜懷春酒仍求壽母辭

著述誰能並尊聞有舊堂人爭推吏部世久說歐陽詩

入午亭古書追丙舍蒼巖山六角扇真許耀家鄉

公近構午

亭較刊全集

悔人移居奉過一飯遂讀其京華集二首

聞道近移居相尋過草廬客中艱一飯君尚具雙魚官

舍藤花老

悔人守銓最久

秋窻棗葉疎春明綰新綬瑞雉始迎

車

愛爾京華集逡巡又幾年慣書乞米帖濫用買山錢拜

命思巖邑移封畏酒泉尋常發鄉夢東浦已春煙

陳陟齋給諫叢蘭雙枝合葉繪圖索賦

聖代稀封事者分階下泉低時如帶雨密處似含煙莫  
訝三珠樹休驚九品蓮連枝仍共萼競爽謝庭前

潭州遇李岷瞻前輩

夫子罷官久高懷人不知相逢湘水上同過落花時世  
事只如此天涯何所之猶能藏斗酒醉讀屈原辭

韓中丞署中喜晤羅宏載北旋賦別三首

十日巴陵道三春官閣中  
干戈殘堞在琴酒故人同  
夢失梅千樹愁看蕙一叢  
登臺猶有賦飄泊為誰雄

入洛已非計浮湘寧所親  
江花工笑容楚女善留人  
久

識詩無敵新看畫有神  
祝融千仞色落筆羨嶙峋

宏載  
納姬

近益  
作畫

聽雨圍紅燭將離更踏歌  
轉憐輕去就還囑慎風波  
白髮交情重黃金意氣多  
天涯知己在貧賤竟如何

春初同旦復元彥笨山叔敏過退居老人



金定巳居人言  
卷三  
却憶江南路裙腰草色斜蓬遮三月雨舟載半塘花浪  
跡猶如夢浮生更去家低回三十載隨處惜年華

詠紫荊限韻

偃仰對南榮春風動紫荊暗香時墮水疎葉不巢鶯轉  
以林塘晚因歡兄弟情天涯尚歧路把酒惜長征

一畝居同幔亭飲酒二首

錄一首

王謝盛門閤瑯琊近亦稀舉世重纓冕先生仍布衣看  
花宿酒肆騎驢來王畿獨有舊山思春風懷採薇

呈莫襄藹先生二首 錄一首

先生本人瑞九十尚傳經著述尊堯典功名薄漢庭關  
門虛紫氣草閣帶寒星別有堪娛處曾孫繞幔亭

徐電發賣昇元帖遂成三詩兼論書法大略云

愛爾昇元帖風流七百年長饑不自寶却換水衡錢太  
息鴛羣筆摩挲幼婦篇白藤書笈在零落夜燈前

聞道山陰字簪花格再桃

右軍初學茂  
漪繼宗元常

却觀戎路表師

法信鍾繇瘦硬神方見淵源派自昭從君辨端委惆悵

惜南朝

太傅書他本皆癡肥此獨清勁楊用修謂南唐絕品在淳化祖帖之上因可想見逸少師承

狄道悲公主平原念病妻穠華當日就鹿脯幾時題拙

尚存鐘鼎工翻浣土泥何人標野鷺愁殺庾征西

鍾王本存

古法學者日就熟滑宜為盤馬武人所彈射

已未元日同豹人大可舟次錫鬯其年子靜集我

媚舍人齋拈青咸韻

先酌年誰少神交眼倍青吹簫過草閣

大可度曲其年吹紫簫倚曲和

之飲酒似旗亭紅燭圍名士青氍卧客星

時錫鬯即會宿子靜處

盤飧真可貴不是五侯鯖

耳熱脫朝衫神駒苦轡銜野人猶任達踪跡尚塵凡錦帶紅酥手黃精白柄鏡幾時攜少婦採藥伏波巖

飲巢雲阿君子亭

獨把一杯酒酣觴君子亭假山擘華嶽剝水割滄溟鳥路迴虛岸魚牀拍淺汀高吟清興足却惹紫蚪聽

客趙好蘭若

秋爽軒牕靜閒僧伴竹扉犬行黃葉響人語亂鴉飛玉

露拋紅藥勾欄坐道衣萋萋芳草暮惆悵未言歸

小雀

嘲哢深叢裏逢陰聚衆鳴濫謀鸚鵡粒不解鳳凰聲殿  
瓦春巢穩均堂晚浴輕秋風將化蛤爾尚樂浮生

客次忽憶同友雨中遊條南萬竹園

滑路饒佳興披蓑問野垌洞雲依峭壁山雨聚孤亭嘗  
稻炊紅葉調魚動紫萍所憐一分手南北似晨星

沂州道中寒甚

初識臨沂路冰痕嚙草橋青馱荒舊寺黃竹苦新謠晚  
稅輸山繭村盤薦落椒頻能異風土終是惜飄搖

長城鋪

聞雞已就道岱影尚糶糊山擁秦城險風吹漢月孤  
深窺豹鼠澗冷叫鷓鴣行路何時已迢遙悵遠途

自漣水再入都

密雪沾春路柔風暖大堤雲垂山柳暗日上野鶯啼愁  
緒縈吳繭長才愧魯雞帝京空往返詞賦幾曾題

春望

漠漠中原色青青陌上林  
王孫空有恨芳草本無心  
花放東風暖橋平野漲深  
遲行不自厭徒倚聽鳴禽

飲萬竹園二首

錄一首

曲路入山煙春風二月天  
栢根迴抱石竹葉暗通泉  
高唱隨林鳥輕身看紙鳶  
摘星應未遠杯酒續青蓮

過渭南

渭川新雨後晴照復娟娟  
潮落灘聲小霜明樹影圓  
隴

雲隨薄日楚鴈入高天  
秋岸騎驢客西風自黯然

宿慧果寺

萬感清秋夜愁聞玉漏長  
無端如中酒不盡為思鄉  
燈暗秋蟲入風酸桂葉香  
長歌雜短詠若箇解行藏

過友人村居二首

錄一首

地接王官谷常懷表聖風  
林塘能比跡琴酒況相同  
點筆湖光白捶琴海照紅  
卜居吾有意聲氣石林東

過黃處士齋



初識墻東路乘春踏細泥梅花香雨早蘭葉惠風低雞  
埭仙翁置茶經處士題天涯如此日莫怨草萋萋

晉祠

懸甕山前路清秋見早鴻一溝瓜蔓水十里稻花風楊  
柳差池綠汀藍遠近紅三年兩來往生計太匆匆

晉祠別陳子文三首

錄二首

一水清如此沙邊坐不辭濯纓今最得驅馬欲何之渚  
冷魚龍蟄山空鶴鶴悲徘徊雙栢底同惜萬年枝

贊府才真好題箋更不羣  
他時隴頭水還望海東雲  
大道無多說微言惜強分  
相憐轉相勉莫只絢聲聞

送西木之井陘二首

錄一首

連日東樓醉東看海氣昏  
花枝當笑靨竹影覆毳門  
風急交蘆寺天高下鴈村  
晴波千萬疊新報減潮痕

寄里人

旅鬢蕭騷甚低徊東海濱  
到秋翻作客漸老只依人  
天迴移朱鳥風涼散白蘋  
澗南紅樹好愁絕憶垂綸

清極觀

在中條

靈祠四山口積翠俯重陰獨立神境寂微風生北林秋  
篁全迸節老樹半空心亂水當門過泉源不可尋

次小河司二首

錄一首

潭府愁卑濕迢遙接遠煙空遲漁父棹已過洛陽年湖  
草留春日江花入暮天却疑客路穩橫海入戈船

賦謝寇偉人

街北提壺夜更闌上馬時紅粧知送客白練少留詩雞

乳過春草鶯啼入夏枝玉鈎山下路還肯寄烏絲

健松別業為方渭仁賦三首

錄二首

織女祠邊宅桐君山下村風流前代沒堂構至今存  
鷺荒洲島詩書到子孫低徊松檜影依舊覆柴門

滄海橫流日丈人方緯蕭江山行藥遍歲月著書消志  
就癸辛里詩留丁郊橋百年感風木愁溢聖湖潮

留別阮亭先生六首

錄四首

得失本一致陶然返舊林易歸貧士策難遣故人心  
綠

樹方垂蔭黃鸝正好音囊衣太輕薄不會作黃金

守拙存吾道先生奈我何愁從歸日減淚向別時多知  
已期簪紱閒人愛薜蘿蓮花千仞色矯矯落晴波

深隱豈非計賤貧難久居也知無舊業且復愛吾廬聞  
道甘懸磬無才敢著書嵩陽招玉女渺渺又愁余

時更歸將

又之  
中州

出處迴非我徘徊空念羣可憐撫今日遊子如浮雲雨  
露黯芳草風花連夕曛那堪江水上重覓謝將軍

留別李紫瀾并遥致方山及馮徐二君子三首

去去復何求  
楊花吹驛樓  
開樽憐共酌  
秉燭憶同游  
高闕看儀鳳  
閒沙認野鷗  
生平感風義  
多半在陵州

夫千古情性  
灑然冰雪姿  
退朝常命酒  
乘月數圍棋  
馮

子寧彈鋏  
方徐陵雅善詩  
電一朝歧路側  
那得不淒其

青嶂關南路  
黃河渡口村  
柳邊辭貴客  
花下閉柴門  
矗矗山松直  
翩翩水鶴翻  
讀書增道力  
應念故人言

途次六首  
錄四首

一載金門客三春玉塞情  
倦吟豪士賦愁聽酒人箏  
入谷鶯無伴還家鴈有程  
傷心芳草色仍傍舊年生

豈為蒼生出深邀

聖主知故人攜斗酒歧路感將離  
紫閣松千樹青門柳一枝  
南山就別業強飯右丞詩

珍重棠村意風流近亦奇  
每聯名士飲不似尚書期  
繼青山路將貽白苧詞  
徐陵吾好友先受下堂知

餽粥真無計難堪金石歌  
貧傷學道晚痛悔著書多  
妻

子羞禽向功名賤伏波只愁種處士無奈北堂何

感興

一載長安客還家竟若何千金奉母少一飯識人多  
夏草聞馱馱春沙夢駱駝九峯安穩在學種玉山禾

懷坊思

洪子謀生拙移家古薊州身支西閣夜心隱北堂憂  
卑已延三益狂言罵五侯林風憐道韞安穩事黔婁

懷豹人



淮海羈棲客秦川游俠身拜官辭

關晚失業到家貧婚嫁愁中婦詩篇累故人彈箏織手在  
常待膾江鱗

臨發阮翁招飲醉後狂言書以謝過四首

斗酒街西宅離懷仗綠樽高情容醉客微笑聽狂言人  
物難評騰文章最討論從來薑桂性未易附寒暄

處士名堪痛文人趣亦卑何曾驚寵辱先取不磷溜有  
道通千古無言備四時春風花葉弱莫取最殘枝

隔樹見涼月高齋罷剪燈功名身總誤貧賤語無憑似  
驚人猶貴如弦世所憎可憐今夕外跋扈更誰能

大小名何據成虧計總非緘滕莊叟喻機警謝娘圍無  
事歸平等忘言合上機倏然送日月間看兩丸飛

峪口

木葉颯清秋山泉抱石樓銜芝雙白鹿拍浪一沙鷗露  
墜瓜花弱雲生松磴幽沿迴尋嶺路應見大龍湫

山中二首

錄一首

積雨生秋晦飛泉出半山歸鴻渡嶺急落葉對人間竹  
興隨高下僧樓借往還孤情何所得終日有潺湲

宿僧樓喜汾郡丞劉與襄先生至

偃仰空林寂寒花照酒杯悠然遊子意欣道使君來素  
念托清潁相逢繼嘯臺廿年悲喜集難遣魏城隈

贈歷城王秋史二首

錄一首

愛爾丈千卷依然行路難將軍能好客才子慎加餐溟  
海漁竿冷崆峒劍氣寒已成鹽鐵論蚤晚召桓寬

王官谷

朱樓覆殘雪花落無冬春衆水急爭壑一峰閒對人白  
雲識心素空谷留皇醇晚來鷗鷺侶接翅桃源濱

贈周麟聲明府

安邑令為陳  
子文堂翁

夫子真清惠深仁入頌謳文章仍照耀詩句見風流谷  
水通車輞山光媚玉鈎顛軫饒峻坂莫使困驂騑

贈章素文

金馬浮沈久燕臺會好初名高終不薦天意且何如布

袖難為客松牕悔上書

聖朝多雨露早晚及樵漁

贈許紫峯

散髮西巖醉人間許遠遊  
宰官推道業狎客愛風流  
日月消棋局乾坤任鹿裘  
相逢先一笑吾道本滄洲

小集晴雲書屋二首

愛爾讀書處晴雲遶舍斜  
迴風猶墮雨映日尚成霞  
碧蔭一庭竹紅垂滿徑花  
遙天有孤鶴掠影過圓沙

為趁涼風至陶然共綠樽  
座移花近眼逕轉屐留痕  
醉凭烏皮几閒吟秋樹根  
歸來鳳城曲山月湧金盆

題張輔公別駕浣烟樓二首

信道樓居好頻來說息機  
綠楊掠波起白鳥破煙飛  
勝日坐忘曙彈箏聽不歸  
舊山拋歲月間煞釣漁磯

澤畔愁為客招攜興轉多  
牕移煙際舫岸對雨中蓂  
花笑三更笛燈明子夜歌  
白魚何處買剛道網船過

寄張觀察時將由中州還里二首 錄一首

悠悠踏曉霜三日過漁陽問路水村遠懷人冬夜長旌  
麾雄遠徵書劍愧山堂風雪邯鄲道騎驢入大梁

送汪郡丞之官渭州公子文升侍往二首

受命輕千里承恩出禁闈辭燕箏罷鼓度隴騎如飛幕  
府紅鹽近軍容黑水圍天寒頻講武大雪滿弓衣

公子才無敵詩名世久傳嚴裝書自裹絕檄頻宣花  
壓蜻蜒帽烽銷驤裊鞭往來關陝北須到草堂前

讚歎寺

寺在萬固峪後產黃  
精有潭澄潔在門外

讚歎何年寺千峯  
攤石龕竹梢侵講席  
花葉落經函紫  
蕨烹來嫩黃精  
曬後甘下方昨夜  
雨雲氣滿龍潭

大悲院禮懺

波光無點塵一舫是通津  
遥辨風幡影同參初地人  
天花晴更落枯木老能春  
懺罪安心後都捐妄與真

欵乃書屋為笨山作

舍人讀書處近傍漕河濱  
豈效臨淵客常逢曬網人  
冰開魚弄藻花落鳥銜春  
愧我風塵久淹留愛白蘋



留別張振宣二首

尚憶西園醉徜徉坐竹林門前流水靜塔下落花深  
歲月驚彈指天涯惜滯淫碧桃歸路好回首發清吟

別去翻相憶何時方是閒人同嵇阮侶交在紀羣間  
釀借崑崙水牕涵湖縣山讀書契懸解應獲駐朱顏

說巖先生過訪一畝山居話舊四首

錄二首

時序驚彈指吾生只腐儒何知食鴈美爭笑住山愚  
寂寂松間閣蕭蕭水上廬斜陽訝騶馭深巷問潛夫

敢謂無書讀勞生肺病餘引年問參朮勸學廢蟲魚  
緬邀郎君谷遷延水部居春明待歸去或可帶經鋤

送西溟南歸四首

錄二首

世態悠悠甚君猶古性情風前頻酌酒花裏再吹笙  
入道即無事忘機何所爭試看希有鳥原出紫霄行

漸覺聞名謝交遊喜日疎為君置杯酒不醉復何如  
驛路誰知已名山好著書相尋鑑湖曲為我饌鱸魚

送徐健菴先生南歸四首

錄二首

漢代師儒重尚聞道業尊為懷先壠切特拜

九重恩悱惻邀

天語殷勤識里門白頭忠孝在至性老彌敦

晉國午橋日溫公洛社年甞聞歸綠野終不廢丹鉛黃

閣情猶待蒼生望總懸蒲輪看即入難戀碧山煙

韓維藩兄招游盤底山園時華林姜公暨迴凡鳧

菴佩青鼎臣諸君子同集用杜韻四首 錄二首

九十春仍在百花爭一泉山光青似髻雲氣白於綿酒借

仙人釀食供宰相錢登臨無不可掌上看秦川

維藩為少師公孫輩

老樹何年種名花此日開忘機仙苑草如夢藥宮梅雨  
怪潭蛟舞風知海鶴來蒼茫憑斷石戀戀古莓苔

宿湖口

斑竹晚沈沈維舟惜滯淫潮來全楚白雲上半江陰遠  
渚鳥雙下空山猿一吟故鄉千萬里今夜洞庭心

送王仲昭歸錢塘三首

一夜黃梅雨南風催別樽江邊移桂楫湖上掩柴門酒

力貧猶壯詩名老更尊  
平津舊賓客零落不堪論

孤山傍水涯水次見梅花  
鶴長仙翁宅人知處士家有  
書留梵乘無夢到京華  
倚仗雙松底前山多夕霞

同奏長楊賦清時歎未逢  
罷歸三殿直重繼五湖蹤  
買帖花邊市尋僧竹外峯  
何年問箋注特訪鄭司農

送景文岩二首

何用詩名大

新城每向人輒謬云吳子詩名甚大心感知己之言

艱難老病餘且

看三日雪省問五車書  
君復雪中去誰堪慰索居春風

倘南下同饌浙江魚

蚤歲過吳會蘇州又秀州驚心三十載發興欲重遊老

愛鴛鴦水貧貪粳稻秋文翁新政好憑語寄東流

謂終青士

使君

送董禹颺時攜內往故有末句

愛爾江花閣新文錦不如久傳繁露學方奏治安書且  
共一尊酒還遲雙鯉魚前山如黛色都擁七香車

飲孟氏園二首

錄一首

衆峯在林表宛然賓主同竹間流水過花外石關通客語鳥聲寂雲開山逕空名園兼勝侶十倍說牆東

答友四首

錄三首

朋好日以遠村墟甘隱淪山中拾椽客河上緯蕭人之子能相訪盤飧媿未陳更聞欲攜手仍共結芳隣

昨日勞書札瓊瑤紛見貽出入在懷袖尚有虬龍姿我欲急裁答遲迴無令辭折梅風雪裏聊以寄相思

却憶陪遊日聯鑣澗水陽雲中見雞犬世外有畊桑帶

雪谿藤古經冬水荇長晚來酣白酒卽此是陶唐

懷儼若

念爾佳公子將為萬里行艱難終意氣清白益詩名衣  
著枕榔雨舟看海嶠晴鄉書何處達無雁共南征

送韓維藩入都二首

錄一首

東風難遽別車馬若為攀寧戀鶯花節終還鷓鴣班紅  
傾蒲阪酒青入薊門山但看賢豪客從來幾箇閒

越女



憔悴浦中蓮，低聲問遠天。  
裁衣拋白紵，漬淚掩紅綿。  
蜥蜴盤深字，真珠寄短篇。  
年年花事近，空立芡羅烟。

送友

春風舊山好，君行偏此時。  
尊前言未盡，林外馬長嘶。  
芳草關門道，垂楊令尹祠。  
江南梅正發，莫惜寄南枝。

柬鄉寧大令張公

為政萬山裏，艱虞況七年。  
百家租賦苦，千仞訟庭懸。  
世德傳司馬，風流儼昔賢。  
題詩兼種竹，日日石堂偏。

雲中寺

天半雲中寺四山皆白雲  
我來雲際宿却憶雲中君  
塔影當晴出濤聲入夜聞  
此中有猿鶴莫勒北山文

宿楊司空園

看竹宿竹裏主人都不知  
蜻蜒上簾幕瀟瀟飛軒墀  
荷葉尚欹岸寒花方著枝  
鐘聲催酒醒燈火四更時

文選樓

彈指蕭梁代傷心文選樓  
秋衾泣銅輦春殿狎江鷗  
朱

雀園何急青絲恨不休由來鷹玉歷未可仗金甌

天柱峰

空谷良非遠招攜亦自豪轉忘千徑曲陡見一峯高峻

欲卑三詔

峰下有  
三詔亭

尊將俯六鼇崇巖真可仰一為薦溪

毛

東瀑布

東嶺鬱葱龍逶迤下玉龍香巖通一線雲窟簇諸峯石  
髓飛逾冽天漿挹更濃捫蘿發長嘯初日看高春

西瀑布

坐卧西巖下層冰落絳崖三春常夢雨十月忽聞雷到  
眼雲光近當頭鴈語哀何須浣冰雪姑射有靈胎

拜司空遺像

緬邈先型遠皈依舊德尊凍禽窺石閣野鹿到柴門赤  
鷄風何古黃綾詔尚存

像著赤鷄有童子捧詔侍側

後凋見松柏千

載著靈根

公祠前有柏生石上

次靜海

縣郭依春水牽船過夕陽行行芳草路不斷梨花香雲  
氣濕垂雨風聲柔剪柔低徊雙燕子有夢入雕梁

題溪館

春鳥鳴復飛春烟滿翠微人家臨曲水齋閣住清暉樵  
客晚相語漁人行未歸溪山誠可樂方製水田衣

次清化即景

白鷺明秋水涼風吹葛巾溪邊收稻客柳下織簾人野  
饌芋魁熟風樓蚱蜢親十年來往路重問濁漳濱

張兵馬招踏青

春雪融沙岸庭梅曉笛中有情堤草綠無意海雲紅酒  
榼鄉人語帆檣異國風羅浮花信早天際幾歸鴻

廣陵留別孫無言

黃山歸何日猿鳥皆望君我向中條去花巖弄白雲浦  
沙晴照舫江樹曉含曛握手不堪別悠悠鸞鶴羣

途次懷歸華山覓諸隱居

未遂金庭隱嘗懷石戶農幾時結茅屋日坐青芙蓉夢

歇關門雨心空嶽寺鐘白雲最相識來住宿蒼松

還中條別鑑文師

屢過齋厨飯猶分般若經有機酬鈍滯無諍樂沈冥潮  
夢關門白山迎驛路青重來應一笑大海總浮萍

飲丁荷峰叅軍署齋時同元彥笨山芟梁部山諸  
子

有道且薄宦悠然滄海情賓筵交雨氣官舍傍濤聲天  
上佳公子江東老步兵登樓仍半醉詩思各縱橫

寄友

荏苒三年別相思豈世情尋僧同雨出載酒並船行河  
上青蘋老林間白露生蓮花五千仞待爾躡崢嶸

初聞蟬

作客知秋早何須爾更鳴從今多見鴈此後少聞鶯兩  
岬如三疊千林共一聲鄉關那堪憶回首綠楊平

冠陽雨後

川原氣候變清秋草木長驟雨生溝水溪田何茫茫濃



雲濕西嶺輕泥霑條柔坐息遲同客長堤榭柳香

八月

八月苦逆旅白露青棠生鄉國渺何處西風空復情斷  
鴻淒塞影落葉下寒聲城上羽林騎紛紛曉角鳴

懷翁山時方歸省暫攜家白下

江關成失路愁對江花繁數欲返京口思君在白門可  
回萊子棹幾遇信陵恩咫尺不能達臨風無片言

題楞伽出塞圖

出關塞草白立馬心獨傷秋風吹雁影天際正茫茫豈  
念衣裳薄還驚鬢髮蒼金閨千里月中夜拂流黃

送玉如之蜀四首

錄一首

之子勞行役迢迢古益州城高通白帝峽急避黃牛茶  
向蒙山採魚從丙穴求西風豈搖落清絕荔枝樓

東郭卽事

雲上曉山翠平蕪野望懸鳥啼藏竹寺鹿飲雜花泉題  
字經樓側燒鐺錦石邊誰家作寒食林外有風鷺

晚集玉礎傍城小園

小徑依城角羊求路漸迷  
花間譙鼓暗竹傍女牆低  
夜雨人三箇秋風菜一畦  
開門仍貰酒莫惜踏深泥

走筆訊杜又振

上國相逢日春風蕙草香  
不知故園竹今復幾竿長  
雪盡娥皇廟鶯飛鄭谷莊  
閒時擬相過細話酒壚傍

初辭家中條山下

戚戚正寒月胡為今遠行  
悲風千樹肅殘雪幾峰晴  
已

覺懷兄弟初知念友生  
惟餘天外雁似我作南征

丹陽晚泊

日落長流靜停舟望毘陵  
天寒聞戍鼓風定識漁燈  
故國渺千里煙波應萬層  
愁心似江水日與晚潮增

再逢王阮亭先生於江浦

悠悠近十年飄泊隨風煙  
每與世人忤益思夫子賢  
相逢江浦上歎息夕陽邊  
何日成歸計春山有薄田

再贈吉協和四首

經年如久別千里喜君來有約仍聯榻無心更築臺青  
燈同不寐白髮兩相催為問東山上桃花幾樹開

念我如飢渴逢君問急難千秋心如許半夜影相看莫  
擊荆卿筑終彈貢禹冠絺袍無可贈嗟爾敝裘寒

相逢意不盡相送復如何匹馬龜蒙道千山雨雪多聞  
雞余起舞扣角爾行歌明歲薰風夜重來醉薜蘿

又作天涯別那無十日歡平干從此去易水為君寒病  
覺世情薄老知交道難今朝斗酒意來夕夢中看

讀傅公他詩感書其後

苦節孤生竹，哀絃寡女詩。  
感君迸淚處，是我斷腸時。  
不死翻成恨，多愁祇益悲。  
長飢忍薇蕨，高義北堂知。

平水感懷

高柳下鳴禽，春城二月陰。  
新鶯聽處滑，芳草望中深。  
花雨憂時淚，山雲出世心。  
不知煙海上，誰會作黃金。

石門三首

盤回溪路長，低草見牛羊。  
風急山藤折，崖崩石髓香。  
鷗

鷄舞難定孺子歌未央斟酌松雲裏寒花近石牀  
拂袖動雲根濤聲過石門野花紅覆路高柳碧連村鳥  
道盤危棧蟻丘倒容樽茱萸莫漫插終是惜黃昏

犬吠夜如豹風光小輞川林迴烟續斷月上水淪漣蟋  
蟀秋仍語鷓鴣冷未眠不須愁輾轉漸看曉珠圓

虞鄉二首 錄一首

洗馬村南路王官紫翠重人家依谷口樵徑入高峰竹  
暗千竿雨泉飛萬壑風司空亭榭在臨望思無窮

送張無競還河中婚

並轡宜陽道欣聞君又還  
橋仍清潁水花尚陸渾山  
園客收蠶箔仙人贈指環  
吹簫長夏日唐韻出人間

謁永樂宮二首

久說雙珠樹今來永樂宮  
雲霞生戶牖日月近簾櫳  
扶木千年宅崑崙萬里風  
刀圭如可覓丹火夕陽紅

仙翁果何處松檜但依然  
劍氣常通峽鶴聲每在天  
架恩丹鳳攫素蓋白龍纏  
晚愛西峰月清光溜石泉



倚檻

倚檻白雲外推窓紅樹邊  
年華猶浩蕩風景幾秋千  
海霧隨風濶江沙裹浪圓  
鳴鳩苦相喚惆悵負春田

汾陽館

殘雪明高嶺春沙引亂流  
柳遮郭外驛花映水邊樓  
風土乖鄉語年華繫客愁  
桑田誰負畚惆悵聽鳴鳩

蓮洋詩鈔卷三

欽定四庫全書

集部

蓮洋詩鈔卷四至七

詳校官侍讀臣陳崇本

助教臣常循覆勘

總校官原任中允臣王燕緒

校對官檢討臣季學錦

謄錄監生臣趙曾有

欽定四庫全書

蓮洋詩鈔卷四

蒲州吳雯撰

七律

霽公次壁刻金釋董公韻索和即答

年華忽忽髣絲秋下澤常思馬少游  
高詠喜聞清似鶴  
好山驚見翠如虬  
名心難遣千年妄  
世事誰為第一流  
今日追陪龍象後  
髣珠可許付裴休

魏惟度留飲即贈

汴柳當門映索居，名山心事近何如。  
琴樽尚自能留客，風雨何曾厭著書。  
不少塗泥悲駿褭，並無鐘鼓溷爰居。  
蚊虻鸛雀須臾過，那用臨淵羨大魚。

寄黃經公

曾拌官舍醉如泥，別後柴門掩玉溪。  
樹下茅容原有母，閒居潘岳已無妻。  
當年情事悲鴻爪，近日文章愛馬蹄。  
彈指韶光驚過眼，幾時靈藥就刀圭。

葦亭即事

蘆葉一叢還兩叢後園散坐見飛鴻  
塔泥著草昨宵雨簷網惹花今日風  
便可彈碁開白袷那教踏箭趁黃驄  
女墻王屋晴逾好都付狂歌痛飲中

陪僉憲伯登九山寺同姚綏仲孝廉二首

百折崙崙磴道長天風萬里浩茫茫  
已攀絕頂九青髻回見一泉千綠楊  
雨自僧厨歸石井花從樵路散寒香  
周遭碧玉屏風疊誰把匡廬借太行

轟轟松門傍日開  
山前車馬漫徘徊  
洞中誰貯千秋雪  
杖底爭喧萬壑雷  
礪道猶傳龍女過  
珠幢方見鴈王來  
三生合受金人偈  
忍別緡經百尺臺

相州初寒

昨日北風寒有信  
今朝東閣夢無端  
衣裳在客寧辭薄  
歲月因愁轉見難  
才子恐教傳鄴下  
名倡爭說盛邯鄲  
蕭蕭荻葦三臺沒  
願乞仙人藥一丸

宿少林寺

寶閣崔嵬明海霞香林四月娑羅花子規啼時山霧暝  
怖鴿飛處松枝斜夢本非真尚顛倒心不可得何正邪  
若解大千同掌果便應常住法王家

送楊南城出守劍州

安陵消息近如何拜得新恩慷慨多遠水遠山通洱海  
春風春雨下牂牁三更鵝鴨裴中立萬里旌旗馬伏波  
豈但長卿能諭蜀天威先靖夜郎戈

別陳顯士

一載追陪笑語同可憐歧路洛城東傷心澗水兼灑水  
落日南宮更北宮氣誼暫教違貢禹文章遙望薦揚雄  
何年金谷園中醉重對荷花一頃風

別潘殿升

入望中條決計還君亦將去龍眠山文章誰信已無價  
世事何年方得閒酌酒南宮北宮外分手朱雀蒼龍間  
相思各憶天津水五月浮橋下白鷗

讀東坡種菜詩因成一首



頗有城隅傍井田  
瓜花棟實每清妍  
不煩更借叅軍地  
便已能當宰相錢  
早韭剪來新雨後  
晚菘劖向早霜前  
兼聞此味須常有  
休論東坡任宦年

九日同諸公登高

蘆荻蕭蕭木葉摧  
他鄉猶得此登臺  
舊山愁絕二千里  
客席端應三百杯  
叢菊有情人醉後  
高天無際鴈飛來  
樽前多少金門客  
盡是西京作賦才

初春風雪過趙天篤

兩日東風寒較甚今朝飛雪漸交加湖邊新柳正接線  
山畔殘梅猶弄花鳥語聽來無次第草痕望去已橫斜  
幾年夢想特相問騎馬過溪冰墜沙

題姚玉階西湖感舊詩後

六橋烟柳拂衣塵蘇小墳前芳草新寶馬香車空有約  
風裳水珮總無因神傷偏在湖邊路情鍾方為我輩人  
更有誰來作寒食梨花如雪認前身

仲春三日雪和愚山先生韻

入望空明雜曉暉隨風故故撲簾扉堦前柳絮爭相掠  
嶺上梅花信久違塞馬雷蹄連夜獵春鴻留爪隔年歸  
鷓鴣莫便遂沽酒又早重穿貂鼠衣

貽洪昉思

不耐悠悠世上名薜蘿深處有誰爭能通彼我閒千古  
纔著成虧恨一生廣漢何妨貧折象壺山竊願隱樊英  
年來真見忘機好非借雲林寄不平

再示昉思

世事從來少定形，須彌未可藝。飛螢戲音有辨，復無辨。  
鯤化南溟，更北溟。欲殺何嘗非李白，聞歌誰更識秦青。  
豕零雞壅，當時藥暴貴。新傳又茯苓。

贈朱悔人學畊東浦

雙鳩呼雨又呼晴，東浦何人正餉畊。蟹舍遙連平楚白，  
柴門俯見下江清。燒畬侵曉驅牛出，飲社連朝荷鋤行。  
莫訝逃名名轉盛，耒邊終有漢書聲。

逢王子重吏部京師，即回秣陵省覲。

藤花官舍日從容相憶長吟對礪松七載誰憐花下別  
三春還喜寺前逢新詩遠帶峨眉雪  
子重有使蜀詩最奇歸棹方  
迎白下鍾為拜山公道珍重獻花巖北待相從

沈洪生編修宅集諸子看芍藥四首

靈根曾說託豐臺新買千枝傍座開楊氏諸姨同輩出  
趙家姊妹兩宮來東西客到四千里賢聖酒傾三百杯  
為戀高情忘卜夜四更燈火不知迴

旖旎爭看疊畫屏靈妃髻髻下雲軒憐時那便分桓李

妒處何從較尹邢名酒遠將阿母醞盤飡羞薦五侯鯖  
浮生此樂真何極莫遣當筵錦瑟停

肩拍洪厓笑語同長吟促坐鳳城東酒當壁月清涼夜  
人在瑤臺錦繡中畫檻緣堦香有露珠簾到地靜無風  
欲歸更覓銀缸照愛煞深紅雜淺紅

欲去還留遠曲廊酒人被酒更清狂舞當芳樹驚烏鵲  
歌倚洞簫來鳳凰花氣濛濛寧惹霧爐烟裊裊尚焚香  
莫愁那得頻相接只許盧家有畫堂

六皆兄招諸子集蘄菴侍御宅

鳳炬輝輝照畫堂秋深終是感他鄉  
琴樽尚戀嚴公宅畚鍤誰操谷口莊  
豈為上書留北闕猶思取婦溷東方  
愁來魯酒都無用坐聽西風鴈一行

送曾青藜之粵東二首

錄一首

天邊纔識少微星欲別還攜雙玉瓶  
東閣連朝方罷酒南人從此更傳經  
春回黎母花前艷雨過金鰲海外青  
珍重家人問消息平安先報錦帆溼

呈少宰李容齋先生

次第未門影寂寥  
霜天感激更相招  
盤餐誰暇謀寒士  
啟事公猶重  
聖朝橘樹當奴供  
玉案雪花如掌避  
金貂座中不少知  
恩客一飯從來未易消

贈黃六吉

十年令望歎無雙  
親見風流意益降  
的有公才比東漢  
更開詩派振西江  
青春索句王孫草  
遲日攤書玉女窻  
最感天涯知己在  
莫辭沈醉續蘭缸



贈武建侯

海風吹雨又吹晴  
漸次桐花接坐生  
醉後倚闌看點筆  
狂來別院試彈箏  
滄洲意氣朝雲上  
鄴杜聲華畫錦行  
好在鴨頭潮水綠  
不須酒渴憶江清

斐然納姬

清秋誰和杜秋詩  
寂寞樊川惱髻絲  
剛遇桂輪生魄日  
恰逢桃葉渡江時  
漫言春到花盈樹  
還看陰成子滿枝  
佳事合題三婦艷  
中堂樂任主人為

顧梁汾舍人自製竹鑪攜至都下客爭賦之余亦

為詩二首兼道別意用原韻

錄一首

竹爐活火夜猶然夢繞吳淞水石邊塞上風塵逢舊製  
江南榆柳憶新烟山移明月空猿鶴洞改桃花幾歲年  
認取廬山真面目天涯隨處谷簾泉

和荅漢儀旭菴升也雪後遊萬因寺之作

有序

蓋聞右丞高寄曾開鹿苑之基江令修心亦憇  
龍華之館是以通人曠士每託興於林丘羈客  
勞人宜遊心於禪悅況乎峰連仙掌水映河圖  
刹留龍象之居碣表隋唐之字山條水葉忽迎

寶馬之來雲寢風棲暫息名賢之駕結勝因於  
世外播佳句於人間側仰風徽彌增歡喜晴沙  
擁路悵未聯金地之游霽雪當軒但遙  
溯玉山之照勉成四韻用附千秋云爾

日上高林徹曙鐘看山結騎得從容  
春泉乍動花邊屋  
殘雪新消竹外峰  
苔徑通時羣鳥散  
石門開處一僧逢  
幽尋最有紫桑癖  
白社今朝悵未從

登樓次木斤韻即簡甜雪二首

錄一首

灑氣常思契混茫  
眼前原不異洪荒  
坐來虛室能生白  
養就金鵝漸褪黃  
百折世情堅道力  
幾回心事盡名場

憑闌究取雲生處  
瓔珞街前認舊鄉

次韻荅韓文尚

亦不辭名不近名  
偶然相見即相傾  
休論金馬浮沈事  
且對玉壺春酒清  
大藥終思還舊我  
名山豈敢負新盟  
論文連日花前醉  
只覺人間尚有情

贈劉西谷侍御二首

當年同醉荷花酒  
今日來過楊柳津  
奉使已為驄馬客  
論詩仍是玉堂人  
文章海內原無敵  
道素河干久作鄰

更向治平求第一維揚政績兩嶙峋

令弟自翰林  
出守揚州

久向山中怨索居半雞何皮更無餘春來嬉戲思文襟  
花下追隨愧板輿織素織縑機總廢桃根桃葉事全虛  
吳娃應踐當年諾待與康成理架書

津門喜逢徐師魯即送之山東

健翁子

海畔相逢笑語溫悵懷今昔道終存看花乍可稱新契  
對酒仍教說舊恩事業此時歸鳳沼文章千載溯龍門  
匆匆又作河梁別日觀峰前役夢魂

再貽子載

愛爾英姿不世情，矯然龍性掣長鯨。  
陰符帳裏再三讀，寶劔匣中猶一鳴。  
學得飛仙能控鶴，攜來中婦善調箏。  
何年已就還山約，同向金蓮頂上行。

送友人滇南省親

萬里騰騫意氣雄，烏衣門閥重江東。  
蘭橈正羨乘風便，春殿猶傳奏賦工。  
青草湖光迎彩筆，點蒼山色撲黃驄。  
芰荷香裏趨庭早，會看西南海照紅。

將發潭州阻風

江風三日且不息愁倚江閣衣裳單日暮魚龍爭出沒  
雲垂水石生空寒欲去尚戀賈傅井到家還近毛女壇  
若問湖南好風景棲巖紅樹九秋看

贈張太守愚谷二首

錄一首

長夏高齋擁賜書南風吹過北窻虛剛腸百鍊能容物  
英論千回倍起余郭外蓮塘藏白鷺階前酒甕擲金魚  
幾回話到郎君谷修竹南頭好結廬

蓼花

娟娟秋光映野姿  
依依踈榦對寒漪  
方看數縷花開處  
漸近長空雁過時  
風動白蘋偏弄影  
雨交紅樹半垂枝  
浦中荷葉還如鏡  
相伴前汀晚更宜

戊寅初春簡張厚卿廣文

厚卿畜妾甚多長治人

春雲陰陰將作雪  
重慰新年望歲心  
將有鶯聲變寒谷  
豈辭臘酒對高林  
牙籤暖傍珊瑚架  
花勝嬌分玳瑁簪  
更喜日長無一事  
課書香閣寫來禽



題孟伯人小照

碧山堂乃伯人園中堂名也

碧山山色正氤氳山下高松更不羣  
幾次山堂常載酒每於松徑數逢君  
棲巖寺裏僧同話鄭谷莊前鶴共聞  
尤羨文章可華國白雲他日到青雲

吳門初春

聞道江干冰漸消眼看芳草坐無聊  
酒杯縱使愁中得春色終難客裏消  
山鳥漫吟泥滑滑吳孃偏唱雨瀟瀟  
歸時借問金陵路桃葉新添幾尺潮

聞喜雨後簡楓仲

雨後殘陽高樹間  
豆花覆井桔槔閒  
涼風徐度溪邊寺  
宿霧纔收郭外山  
每惜勞生仍遠道  
難將大藥駐衰顏  
相逢且撒河汾席  
塔院東頭看白鷗

水村

林葉蕭蕭欲暮天  
人家烟火夕陽邊  
寒瓜引蔓垂茅屋  
野水生波入稻田  
漁網懸來晴樹外  
釣車牽過晚洲前  
圓沙鷗鷺忘機甚  
隊隊菰蒲自在眠

贈孫都閩

瘴雨蠻烟海嶠清  
雄才從事伏波營  
調戈曉指春星淡  
獵馬宵還臘雪明  
北闕千秋方鑄鼎  
南天萬里已消兵  
霜華點鬢休相訝  
二十年來大將名

水村

萬樹垂楊綠不齊  
人家住在澗東西  
新篁迸玉方連屋  
嫩荇如錢乍點溪  
野墅客還忘閉戶  
晴沙屐過不沾泥  
風光都似招賢里  
只少紅翎水鶴啼

重過故關

關門芳草寺門鐘石磴盤桓感舊踪  
白日迴看天路遠  
青山喜似故人逢  
樓臺傍曉開巖戶  
雷雨凌晨過澗松  
為愛紛紛紅蕊亂  
翠禽銜下碧芙蓉

閒居示內

十年宦學兩無成  
且共山南事耦耕  
可向田間隨冀缺  
幾曾床下拜樊英  
提筐蠶月勞機杼  
采藥鹿門忘姓名  
若使蓬山同有籍  
玉簫雙引鳳凰聲

村居

莫向村居厭寂寥  
綠楊千樹遠蘭皋  
河聲卧聽崑崙遠  
嶽色晴瞻太華高  
岸上桃花如綬帶  
溪邊芳草似青袍  
晚來猶好垂竿在  
一線清風引六鰲

題嶺祠

半嶺閒雲祠樹多  
野人心事近如何  
黃龍釀雨飛巖窟  
白鹿銜花過薜蘿  
石上方抄雲子飯  
溪邊誰和紫芝歌  
年來空有還丹訣  
日遣流光等逝波

河上望永樂歷歷然感咏

河勢衝冰水倒迴  
兩山寒色逼人來  
鄉園雲樹雖相望  
客路心魂轉更哀  
倦馬爭投盤豆驛  
飢鳥空噪赫連臺  
勞生碌碌真何益  
欲訪盧敖鍊玉胎

江樓寄懷宋中故人

二月春歸楊柳條  
廣陵風雨日蕭蕭  
題詩不到忘憂館  
走馬何年海雁橋  
江上歸心憐草色  
城邊晚景惜花朝  
梁園賓客天涯在  
空聽鐘聲落暮潮

韓維藩兄偕令弟文尚買荷花數柄招同沈竹西  
客子張鳳舉集賞分賦得支字時別客子已十年  
計共維藩城南飲射時已五年矣

勝客招攜繼漢陂荷花恰有兩三枝香來便覺風前好  
露重何須水面時一座盡看人似玉十年獨笑鬢成絲  
射堂却憶垂楊郭畫戟猶能中小支

送魯庵之黔西二首

錄一首

使君持節擁雙旌慷慨今為萬里行眼底江山遵驛路

天邊雨雪計王程瘴花開處實人候蠻樹交時島吏迎  
最是

聖朝威德重旬宣從此倍聲名

贈甯觀齋太史

騎馬衝泥擁鼻吟相過常得散煩襟題箋久廢閒情賦  
對酒欣調太古琴忽念湖田應有夢尚依金馬本無心  
苟陳風味西州淚三十年來擬再尋

論書答子文大尹



句曲論書已杳茫江陵劫火更凋傷  
叅差曇礮鵝羣字顛倒山陰狸骨方撥鐙  
微言寧石室畫沙真諦豈雲陽  
傳疑傳信須裁取莫但隨人築道傍

寄江辰六郡守三首

錄一首

大道微茫不可尋極尋常處易浮沈  
讀書未便傷無用為善何妨是有心  
筆勢漫從愁裏廢天機且向靜中吟  
邇來生計渾如此肯向南風慰好音

坐看

坐看山雲意態遲  
釀成新雨到花枝  
盛來寶硯三危露  
寫出幽人七字詩  
紅藥香中蠶浴後  
綠槐陰裏燕巢時  
晚晴誰辨樊川賦  
只許當年杜牧之

寄山中人

荷衣蕙帶山中好  
頗念花時獨往來  
應有肉芝供晚膳  
定逢石髓助晨杯  
人間萬事驚鴻爪  
園客三春薦鹿胎  
遣有涉無費斟酌  
莫將新賦污天台

姜華林郡司馬得紅泥燕子將之句命同人賦之

走筆應教

飛花無數委前谿  
雨雨風風打作泥  
紫幙最堪添舊壘  
雕梁偏稱作新棲  
水邊啄得紅襟重  
柳外銜來繡羽低  
多少佳人喜相待  
珠簾高捲立香闈

贈宋駿先

生平夢想我眉好  
君在我眉住幾年  
佛火飛來輕似葉  
香雲生處白於綿  
道心已熟龍歸峽  
定力方堅虎擘泉  
今日相逢如伴侶  
可能重問蜀江邊

山行即事

姑射山前三日行  
秋林落葉亂泉聲  
藕花已老穀登市  
牛力方新人餉畊  
冰雪遠成仙客夢  
桑田近見使君清  
徘徊蘆荻蕭蕭夜  
汾水東頭雁影橫

宿吳山寺樓簡嚴灝亭先生

蕭蕭暮雨急寒榛  
獨倚高樓少四鄰  
江上鼉鼉悲鼓角  
下方燈火散星辰  
梅花何處三更笛  
寒食無家萬里人  
不是相逢嚴僕射  
天涯誰念草堂貧

齋居

瓠落何須慮大樽  
蕭然無客款柴門  
春秋未習嚴彭祖  
紀傳常輕褚少孫  
下澤幾曾驅款段  
長河終擬溯崑崙  
雷聲太白連朝急  
次第墻東過雨痕

閣學李湘北先生有聖代求賢之作傳和紛然酒  
次出以見示余自揆謏劣何能揚扆盛事但自述  
所遭而已并呈先生四首

逕開黽黽學鄰虛  
巖壑朝朝信所如  
聖代自多優異詔

微才真媿治安書觀光未敢違先達作賦還當念遂初  
回首舊山冷猿鶴桃花流水亂春渠

故人清切白雲司愛我陽春郢上詞苦欲上書共徐樂  
不教下第歎丘為陽居久矣忘爭席司馬何須更入貲  
看取凌雲新賦好幾人先到鳳凰池

十年曾著遠游冠辛苦真同蜀道難頗有文章窺賈誼  
實無鹽鐵比桓寬金甌本自無傷缺玉壘方期早莫安  
頓使河清頻入頌君王含笑五雲端

鄉里常隨馬少游上公偏有白雲求可能輦下留方朔  
先使人間笑許由草野那知千古事

朝廷自有八紘收玉杯漫道天人策牧豕公孫萬戶侯

寄贈吳武陵四首 錄二首

憶昔熊湘早濟師曾同草檄佐軍麾久從磨楯窺英畧  
更向投戈得素知粵嶠盡開唐節度沅波已斂漢旌旗承  
恩却綰麟符重玉帶河邊聽竹枝

矯矯雙鳧漢殿邊元龍湖海氣依然才優曼倩三千牘

道長葢弘十五篇官舍從容閒對鶴南風披拂靜揮絃  
綠蘿自此無招隱不種桃花種稻田

戲為西崑體二首

鐵鑠高垂閉綺寮藥珠宮裏上真朝梅花只許留宮額  
楊柳誰教縮細腰檻底芙蓉歸寶鏡簾前春雨得生綃  
傷心最有秦樓客隔斷紅雲聽玉蕭

朱雀窻前曉色開玉鈎窻窕碧綃迴日高有客看花去  
夜半何人鳴彈來故把秦箏迎醉拂漫將越練就燈裁



春風十里耶溪路網得西施不用媒

平遙野望

極目平原宿草衰無邊春色鴈門來縱橫野水灌嬰廟  
突兀寒烟吉甫臺繞指當年存苦語聞雞何處見奇才  
晚來浣得愁千斛仗有葡萄新撥醅

聞阮亭先生由戶部郎中改官侍從二首

瑯琊家學本無窮天挺英姿更不同事業已聞多際會  
文章今始見推崇宮人盡說元才子天子頻遷戴侍中

入直那教早歸院金蓮常撒御筵紅

頻道新除下九天相過特地一欣然敢云賢人五百里  
的有才名三十年從此但棲天祿閣不須更算水衡錢  
由來獎士玄暉癖猶問人間寶劍篇

某上人禮清涼歸

雁門迢遞訪三車稽首清涼鍊鑊鈺去日但攜鐵如意  
歸時却採金蓮花毒龍制後爭投鉢猛虎騎來竟到家  
回首戒壇石上月清暉依舊滿袈裟

再過有道阡

有道芳阡接翠微  
石門松檜只依依  
風吹葵麥颯颯出  
日下祠堂蝙蝠飛  
墊角何人爭慕義  
瞻烏誰屋早知機  
九原應使先生笑  
輦路而今走布衣

簡張迴凡

閒坐高齋日幾回  
秋花遍向小山開  
檻前最愛涼風入  
天際剛逢早雁來  
竒字問時宜載酒  
雄文草就許登臺  
每當憂樂關心處  
知爾真堪宰相材

寄姜西溟四首

錄二首

名世由來道不孤，鵬飛今已振天衢。  
宮花偏向簪時艷，韞笏方從殿上趨。  
蓋代文章原有價，掀天事業豈無徒。  
大才難用真為用，不復長歌擊唾壺。

幾載銅龍自慨慷，一朝重致姓名揚。  
蘭因出谷香尤遠，橘以過淮味更長。  
爭喜青雲真得路，休言白首只為郎。  
家風亮節傳青簡，再見新梧振鳳凰。

西子

華林姜公屬賦

響牒廊前夜月孤  
葦蘿村畔沒寒蕪  
已教舊恨傷麋鹿  
又肯新愁入鷓鴣  
鐵網皆云沈寂寞  
黃金任爾鑄模糊  
江東救得無餘事  
那復扁舟共五湖

明妃

不把黃金買畫工  
進身羞與自媒同  
始知絕代佳人意  
即有千秋國士風  
環珮幾曾歸夜月  
琵琶惟許託賓鴻  
天心特為留青塚  
春色年年似漢宮

綠珠

蓋代貞心蓋代姿鮫珠百斛價難追已拌知己借金谷  
豈肯才人嫁養廝璧月沈時香未冷彩雲散後夢何之  
當年也有翺風侶不識春風又付誰

太真

人間天上兩茫茫傾國傾城恨最長何處玉妃留別院  
尚教亭子憶沈香漢宮自喜同飛燕春色爭誇似海棠  
七夕牽牛私誓在同心願只屬三郎

虞姬

楚歌一夜動悲涼  
百戰空嗟霸業荒  
子弟皆知歸長者  
美人獨解報君王  
江東日落埃塵散  
原上春歸墓草香  
回首五陵烟樹盡  
千秋同作恨茫茫

詠白梅四首

錄二首

冰天曲屈託靈根  
猶喜春風入坐溫  
繡幕燈來纔有影  
雕窻月到更無痕  
香浮東閣仙郎宅  
夢入江南處士村  
醉後不辭頻酌酒  
也同玉女洗頭盆

南枝不用悵無媒  
早向春前次第開  
燭暈紅時明獺髓

蟬光滿處長珠胎當筵恰對一峰雪照水何須兩岸苔  
珍重纖塵都不到巡檐那許凍禽猜

贈孫次園二首

錄一首

七十二峰江上頭松雲拋却舊山秋孤懷耽傍三千客  
俠氣常輕萬戶侯鼎裏丹砂烹上藥機中錦字感新愁  
無端又遇穿鍼節不向舒州向冀州

城南晚歸即事

曲江買酒不成醉歸騎縱橫散野坳日暮波光吞岸白



雨餘山色逼人青紫釵紅袖花邊郭翠箔珠簾水上亭  
興盡城南仍秉燭夜闌重市五侯鯖

長安喜遇孫愷士前輩

衮衮才名鶴鷺班幾年江上有餘閒暫拋紫府花前讌  
又看青門雨後山久別各言魂夢熟相逢都訝鬢毛斑  
難爭只有千秋業不與流光共往還

簡長安謝靜巖大令

終南荏苒三年住時有青光照畫簷羈思只須游子領

風流偏讓使君兼  
花前吏散親調鶴  
竹裏人歸自捲簾  
今日方能到廳事  
可曾先動客星占

重陽

中條紅樹重陽節  
林下何人醉菊花  
海霧昏昏釀作雨  
漁燈點點看成霞  
多愁且與消書帙  
有夢無端攪暮笳  
世事東西難自料  
高天風急鴈行斜

潞河簡宋僉憲時讀其近詩甚奇鬱不勝折衷

江上猶傳宋玉名  
花開韋杜引雙旌  
詩過青海才逾壯

游入盤山夢亦清  
直道真消蛟蜃氣  
仁風方感鳳凰聲  
西江篇體淵源識  
仗與瑯琊共主盟

寄盛悔亭

悔亭姑蘇人  
流寓芮城之  
朱侶村者已三十年矣

巖分懸雷赴晴嵐  
羨爾溪東寄一龕  
桃葉不須思白下  
梅花儘許似江南  
窻含晴雪書偏妙  
坐擁青山賦正酣  
珍重題箋報寒食  
詩名酒德兩無慚

柬宋牧仲先生

相國風流尚未遙  
翩翩公子復中朝  
無詩堪寄忘憂館

有夢常尋海鴈橋此日誰能追宋玉臨風我欲酌燕昭  
紫芝一接塵心盡重向終南劖藥苗

題陶庵小像

楊柳春風廿四橋酒旗歌扇笑相邀坐中紅袖窺雙鬢  
眼底青山閱六朝盛事尚追桃葉渡鄉心猶繫廣陵潮  
頭顱如許升沈盡令僕閒情付玉簫

登河中郡樓

從來今古亦關情況復登臨感乍生人代已隨晨雨散

河山不改夕陽晴  
野花開遍薰風殿  
春鳥啼荒魏豹城  
日暮更聞原上笛  
誰能此地不沾纓

蓮洋詩鈔卷四